


## Veður



Suðaustan 3-10 með rigningu A-lands. Yfirleitt þurr annars staðar og léttskýjað á NV-landi. Austan- og norðaustanátt á morgun. Hiti 7 til 13 stig. **SJÁ SÍÐU 16**

## Í raun refsing án dóms og laga

**DÓMSMÁL** Mannréttindadómstóll Evrópu, MDE, hefur tekið til skoðunar kæru Ólafs Ólafssonar, eins aðaleigenda Kaupþings, vegna skýrslu rannsóknarnefndar Alþingis frá 2017 um aðkomu þýska bankans Hauck & Aufhäuser að einkavæðingu Búnaðarbankans árið 2003.

Í skýrslu rannsóknarnefndarinnar frá 2017 var það afdráttarlaus niðurstaða að Hauck & Aufhäuser hafi aldrei fjárfest í Búnaðarbankanum, hafi það í raun verið Welling & Partners, félag sem er skráð á Tórtóla. Ólafur kærði niðurstöðuna til MDE sumarið 2017. Telur hann málsmeðferðina jafngilda sakamáli, en hann hafi ekki notið réttinda sakbornings.



Ólafur Ólafsson.

„Vinna og birting á skýrslu Rannsóknarnefndar Alþingis vó alvarlega að orðspori mínu og æru án þess að ég hefði nokkurt tækifæri til að koma við vörnum eða nýta þau réttindi sem við teljum sjálf-sagt að fólk, sem borið er þungum sökum af hálfu stjórnvalda, njóti. Þótt skýrslan hafi verið skrifuð undir því yfirsökni að varpa ljósi á 15 ára gamalt mál fólust í henni alvarlegar og einhliða ásakanir á mig sem í engu eru réttlætunarlegar,“ segir Ólafur.

Segir hann málsmeðferðina jafngilda í raun refsingu án dóms og laga. „Í þessari einhliða árás á mig var ekkert tillit tekið til þess að ríkið tók á sínum tíma hæsta tilboði í opnu söluferli, kaupverðið var greitt að fullu og engum blekkingum var beitt.“ Hafi tilboð S-hópsins verið meðið hagstæðast jafnvel án aðkomu erlends banka. – **ab**

## Sigurvegarinn Melvin



Mikið var um að vera á alþjóðlegri kattasýningu Kynjakatta sem fór fram í Reiðhöllinni í Víðidal um helgina. Kötturinn Melvin, sem sést hér á myndinni, var valinn „bestur á sýningunni“ í hópi ungdýra. Hlaut hann bikar og borða að launum. Strangar reglur um heilbrigði gilda á sýningum sem þessum og koma dómarnir víða að. Eigandi Melvins fylgdist með þegar verið var að eiga við hann. FRÉTTABLAÐIÐ/ERNIR

FRÉTTABLAÐIÐ

+PLÚS



Búast má við rigningu víða um land.

## Miklar rigningar

**VEÐUR** Veðurstofa Íslands hefur gefið út gula viðvörðun á Suðausturlandi og Austfjörðum í dag.

Á Austfjörðum má búast við austan 10-15 metrum á sekúndu og talsverðri rigningu og á Suðausturlandi er gert ráð fyrir hvassri austan- og norðaustanátt með talsverðri rigningu, þá einkum austan Öræfa.

Viðvörðunin tók gildi klukkan sex í morgun og má búast við að veðri taki að slota um ellefu leytið í kvöld.

Búast má við þurru veðri annars staðar á landinu og að léttskýjað verði á Norðvesturlandi. Hiti 7-13 stig. – **bdj**

# Enginn hefur beðið Ólínu afsökunar

Þingvallanefnd hefur beðið ríkislögmenn að semja um bætur við Ólínu Kjerúlf Þorvarðardóttur sem sótti um starf þjóðgarðsvarðar, vegna þess að jafnréttislög voru brotin. Spurt er um ábyrgð formanns nefndarinnar.

**STJÓRNSÝSLA** Þingvallanefnd hefur beðið ríkislögmenn að semja um bætur við Ólínu Kjerúlf Þorvarðardóttur, þjóð- og bókmenntafræðing, um bætur. Málið var tekið fyrir á fundi nefndarinnar nýverið. Kærunefnd jafnréttismála komst að þeirri niðurstöðu í vor að jafnréttislög hafi verið brotin þegar Einar Á.E. Sæmundsen var skipaður í starf þjóðgarðsvarðar fram yfir Ólínu.

„Málið er í farvegi. Það hafa staðið yfir viðræður við ríkislögmenn um nokkurn tíma um bætur. Á meðan þær viðræður standa yfir þá tel ég ekki rétt að tjá mig mikið um málið,“ segir Ólína. Ef ekki tekst að semja hyggst hún leita til dómstóla. „Ég myndi nú telja að báðum aðilum sé rétt og skylt að reyna að ná samningum áður en til þess kemur. Ég vona að það skýrist fljótlega hvert framhaldið verður.“

Ari Trausti Guðmundsson, formaður Þingvallanefndar, segir að ekki liggja fyrir nein upphæð í kröfðunni. Samþykkti nefndin að leita til ríkislögmanns.

Umræður sköpuðust á fundinum um ábyrgð Ara Trausta í tilefni af úrskurðinum í vor.

„Þetta voru bara umræður um hvort það væri einhver ástæða til að formaður axlaði einhverja ábyrgð fram yfir aðra varðandi þennan úrskurð, þetta voru bara umræður fram og til baka. Engar niðurstöður. Telji einhver nefndarmanna rétt að ræða hvort formaðurinn beri ábyrgð umfram aðra nefndarmenn, er orðið við því,“ segir Ari Trausti.

Karl Gauti Hjaltason, fulltrúi Miðflokksins í nefndinni, segir að hann hafi spurt Ara Trausta um hvernig hann mæti stöðu sína í ljósi þess að Ari Trausti hafi verið



Ólína Kjerúlf Þjóð- og bókmenntafræðingur. FRÉTTABLAÐIÐ/SIGTRYGGUR ARI

Þingvallanefnd féllst á að lúta þessum úrskurði. Það kemur fram í úrskurðinum að þetta snýst um huglæga matsþætti, ekki faglega. Það var ekki rétt frá þeim gengið.

Ari Trausti Guðmundsson, formaður Þingvallanefndar



mótfallinn því að Bergþór Ólason sæti sem formaður umhverfis- og samgöngunefndar. „Ég hef ekkert á móti Ara Trausta sem formanni, þetta var bara spurning, ekki vantraustsyfirlýsing eða eitthvað slíkt,“ segir Karl Gauti.

Ari Trausti segir ákvörðunina um að ráða Einar sem þjóðgarðsvörð fram yfir Ólínu hafa verið tekna í atkvæðagreiðslu þar sem einfaldur meirihluti réði. „Formaðurinn er ekkert öðruvísi staddur þegar kemur að því,“ segir Ari Trausti. Hann segir niðurstöðuna ekki hafa truflað störf nefndarinnar. „Þingvallanefnd féllst á að lúta þessum úrskurði. Það kemur fram í honum að þetta snýst í meginatriðum um huglæga matsþætti, ekki þá faglegu. Það var ekki rétt frá þeim gengið við ráðgjöfina sem við fengum.“

Ólína svarar því neitandi hvort einhver hafi beðið hana afsökunar. „Enginn fulltrúi meirihlutans sem bar ábyrgð á þessari ákvörðun hefur haft samband við mig, hvorki til að biðja mig afsökunar eða ræða þetta við mig að öðru leyti. Þá ekki formaður nefndarinnar, hvorki opinberlega né í einkasamtölum.“ **arib@frettabladid.is**

**ÚRVAL ÚTSÝN**

**Bergþór Ólafsson**

**VOR 2020**

ÚRVAL SPENNANDI ÁFANGASTAÐA

VERÐ FRÁ **79.900 KR.**

Á MANN M.V. 2 FULLORÐNA

NÁNAR Í SÍMA 585 4000 EÐA Á [UU.IS/BORGIR](http://UU.IS/BORGIR)